



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno Christi 726. Usque Ad Annum 813

**Fleury, Claude**

**August. Vind. [u.a.], 1760**

**VD18 90117859**

§.38. Concilium Liptinense.

---

[urn:nbn:de:hbz:466:1-66091](https://nbn-resolving.org/urn:nbn:de:hbz:466:1-66091)

sti acq̄uitarum possessionem invadat, ta-  
 lem inquam virum antiqui Patres raptorem  
 appellat, Sacrilegum, pauperum in-  
 terfectorem, & terribili Anathemate co-  
 ram Tribunali Jesu Christi dignum.  
 Quia vero ejusmodi raptores tam in no-  
 stris quam vestris Provinciis existunt, ex-  
 tollere vocem nostram tanquam tubam con-  
 tra ipsos debemus, ne nostro silentio dam-  
 nemur. Tandem cultum vestium & or-  
 natum superfluum, qui sensim in Mona-  
 steria invehebatur, paucis perstringit.

## §. XXXVIII.

*Concilium Liptinense.*

Itaque Princeps Carolomannus, ut illud, to. 6. Conc. p. 1537. to. 1. capit. p. 150. Hincmar. ep. 37. to. 2. p. 57.  
 quod in primo Canone Concilii Ger-  
 manici statutum fuerat, exequeretur,  
 aliud Concilium convocavit primo die  
 Martii Liptinis, Domo Regia, quæ hodie  
*Lestines* in Territorio Cameracensi dici-  
 tur; celebratum. Præfuit S. Bonifacius  
 cum Episcopo, nomine Georgio, & Jo-  
 anne Sacellario, qui ambo vices Pontifi-  
 cis gerebant. Quatuor non plures Ca-  
 nones conditi. In primo confirmatur  
 Concilium præcedens, cujus Decreta  
 omnes Episcopi, Comites & Præfecti ob-  
 servaturos se promittunt. Totus Clerus  
 antiquis Canonibus se submittit. Abba-  
 tes & Monachi Regulam S. Benedicti re-  
 cipiunt. Canon secundus de Bonis agit  
 Eccle-

Sæcul. VIII.  
 A. C. 743.



Sæcul. VIII.  
A. C. 743.

Ecclesiasticis, & Decretum Concilii præcedentis circa restitutionem Laicis præceptam temperat. Itaque decernitur, ut propter imminencia bella Princeps aliquam partem Ecclesiasticæ pecuniæ sub Precario & Censu in sumptus exercitus sui retineat, ea conditione, ut annis singulis Ecclesiæ vel Monasterio solidus, id est, duodecim denarii pro unaquaque familia reddantur, eo modo, ut si moriatur ille, cui fundus Ecclesiæ commodatus fuerit, pecunia ad Ecclesiam redeat; & iterum, si necessitas cogat, aut Princeps jubeat, sub eodem Precarii titulo alteri dari possit. At Ecclesiæ vel Monasteria inde penuriam paupertatemque non patiantur, & si paupertas premat, Ecclesiæ vel Domui Dei integra possessio reddatur. Ergo istud precarium erat aliquod feudi genus viro militari in stipendium concessum, & tantum ad dies vitæ, qualia illa ætate omnia erant. Solidus non aureus sed argenteus erat, & viginti quinque solidos nostræ monetæ exæquabat. Familiam dico, quod in hoc loco vocatur *Casata* & alibi *Mansus*, seu Conjugium, id est una domus cum agris ad sustentandam servorum familiam sufficientibus.

In Canone tertio adulteria, & incesta matrimonia prohibentur. Item præcipitur, ne mancipia Christiana paganis tradan-

v. le Blanc.  
mon. p. 6. 8.  
71.



tradantur. In quarto iterum decernitur, ut qui paganas observationes in aliqua re fecerit, multetur & quindecim Solidis damnetur. Sequitur indiculus istarum Superstitionum continens triginta articulos, ex quibus hi adnotari merentur: *De Sacrilegio ad Sepulchra mortuorum. De Sacris Silvarum. De Sacrificiis, quæ faciunt super petras, aut fontes. De Sacris, quæ faciunt Jovi vel Mercurio. De variis generibus Divinationum, & auguriis avium. De stercore aut sermatione equorum vel boum. De cerebro animalium. De Lunæ Eclipsi, & de eo quod credunt, quia fœminæ lunam comedant. De simulacro, quod per agros deferebant. De simulacro de conspersa farina. De alio de pannis facto in speciem puppi. De eo, quod sibi Sanctos fingunt quoslibet mortuos.* Inde originem traxisse videtur illa facilitas, qua hoc ævo Sanctos dubios publico cultu prosequerentur. In fine hujus Concilii visuntur formulæ lingua Theotisca renunciationis & professionis fidei, quæ in Baptismo fiebant, unde illius & hodiernæ linguæ diversitas perspicitur. (\*)

Sæcul. VIII.

A. C. 743.

## §. XXXIX.

(\*) Sunt vero Formulæ hujusmodi in Actis Conc. Tom. III. Edit. Parisi. *Forsachistu Diobolæ?*